

572
1975

საქართველოს
ბავშვთა
გაზეთი



1975 წლის № 8

საქართველოს
ბავშვთა
გაზეთი

ზაფხულია. ცხელა. ვზოში ჩამიჩუმი არ ისმის.

ათასში ერთხელ დასიცხული ბელურები თუ გაიქვლიურტულენენ სახურავზე.

სახურავზე საწვიმარი მიღებია ვადმოკიდული. ამ მიღებში ისეთი სასიამოვნო სიგრილეა, ყველა ბელურას უნდა აქ შეფაროს თავი. ჰოდა, ყველა რომ ვერ ეტევა, ხანდახან წაუნისკარტენენ ერთმანეთს. იმიტომ ხმაურობენ, თორემ ქლურტული კი არ ეხალინებათ ამ სიცხეში.

დათოს რა უშავს, ზის უზარმაზარი კაკლის ჩრდილში და ველოსიპედის თვალს აბზრიალებს. ეს ველოსიპედი მისი უფროსი ძმის, თამაზისა. ახალი კი არ გეგონოთ,—თამაზს რამე გაუძღვებ? უყიდეს თუ არა, ერთი თვის თავზე ღობეს მიანარცხა და მიღეწე-მოღეწა. მერე კაკლის ხეზე დიდი ლურსმანი მიაჭედა და ზედ ჩამოკიდა. მას შემდეგ ველოსიპედი აქ კიღია, თამაზი კი ფეხით დაეხეტება მთასა და ბარში.

ბარი ბარია, მაგრამ მთაში რალა უნდაო, იკითხავთ. ტურისტულ ჯგუფში ჩაეწერა ბიჭი,—ფშავ-ხევსურეთი უნდა შემოვიარო.

ფშავ-ხევსურეთს რომ ახსენებენ, დათოს თვალები ცრემლით ევსება.

ახლაც გაახსენდა და კბილი კბილს დააჭირა. მერე ველოსიპედის წინა თვალი უფრო ღონივრად დაატრიალა და თვალმა სინჩაჩრისაგან ზუზუნი დაიწყა.

უცებ თვალწინ თამაზის გამგზავრების დღე დაუდგა: თავზე ფარფლებიანი ქუდი ეხურამხარზე მწვანე ზურგჩანთა მოეგდო. ხელში შინდის ჯოხი ეჭირა.

— წამოვალ, რა, მეც წამოვალ!..—ეხვეწებოდა დათო.

— სად წამოხვალ, ხომ არ გაგიქვლი!—ცევ უარზე იყო თამაზი.

— წამოვალ, არ დავიღლები! გეხვეწები!..

— არა და არა!—თქვა ბოლოს თამაზმა და ეზოდან გავიდა.

დათოს ისევ ცრემლით ავესო თვალები და ტირილი მოუნდა, მაგრამ ბიჭუნა უცებ ფიქრებმა გაიტაცეს. მოეჩვენა, რომ ველოსიპედზე ზის და არაგვის ხეობაში მიჰქრის...

ახლა თამაზის წერლი ახსენდება, სოფელ ჟინვლიდან რომ გამოეგზავნა.

ისევ ბზრიალებს ველოსიპედის თვალი, ისევ მიჰქრის არაგვის ხეობაში ბიჭუნა. მარჯვნივ—მთის მდინარე მზუის, მარცხნივ—ცხვრის ფარა ძოვს; შორს, ზემოთ კი—კავკასიონის თოვლიანი მწვერვალები ეღვარებს.

უცებ ექსკავატორების და ბულდოზერების გუგუნე მოესმა. ხედავს, მდინარის პირას უზარმაზარი მანქანები ბულდოზებზე მზეზე გა-





50705

რუჯულ კაცებს „ვილისზე“ დიდი ფურცელი გაუშლიათ და რაღაცას საუბრობენ. თან ხელებს ხან აქეთ იშვერენ, ხან—იქით.

— რა ამბავია, რას აშენებენ!—ერთ თავის კბილა კორფლიან ბიჭს ვასძახა დათომ.

— შენ რა, კურში ხომ არ ზიხარ?—დიდგულად მიუგო იმ ბიჭმა.—რას აშენებენ და, ელექტროსადგურს!

— ელექტროსადგურს? — გაიკვირვა დათომ.—აღბათ ზაპესს დაარქმევენ.

— ზაპესს კი არა და! ჩეენი სოფლის სახელი ერქმევა, ჟინვალჰესი!—ამაყად თქვა კორფლიანმა ბიჭმა და გზა განაგრძო.

დათო გზის პირას იღვა და ქვემოთ, ხევისაკენ იყურებოდა. გზაზე ერთმანეთს მიჰყვებოდნენ მიწით და ქვა-ღორღით დატვირთული თვითმტლევლები. მანქანებს თვალი გააყოლა და დაინახა, რომ ხევში ერთ ადგილას სკლიდნენ მიწას. იმ ადგილას უკვე მთა გაჩენილიყო. ამ მთის კენჭებზე მოკცეული მანქანები შორიდან წერტილებივით მოჩან-

დნენ.

უცებ ერთმა მანქანამ ისე ახლოს ჩაუქროლა, მტვერი ზედ სახეზე შეაყარა. მერე მძღოლის ხმაც გაიგონა:

— ეს ბიჭი ვილაა, შუა გზაზე რომ გაჩხროულა?

დათო მიხვდა, რომ მანქანებს ხელს უშლიდა და ველოსიპედს მოახტა. ცოტა რომ გაიარა, წინ ერთი მაღალი კაცი გადაეღობა. მას მკლავზე წითელი არშია ჰქონდა და იქით აღარავის უშვებდა.

— რატომ არ შეიძლება?—იკითხა დათომ.

— იმიტომ, რომ ცოტა ხნის შემდეგ აგერ, ის მთა უნდა აფეთქდეს, თუ გინდა წადი!—უთხრა იმ კაცმა და თან ცალი თვალით გადახედა,—არ გაგიუდეს და მართლა არ წავიდესო.

დათო, რა თქმა უნდა, არ წასულა, მაგრამ ძალიან კი გაოცდა:

— მერე გზა რომ ჩაიხერგება?

— გზა? ეს გზა აღარ იქნება.

საქართველოს
განმანათლებლო
სისტემა



ამის თქმაზე დათოს თვალწინ თამაზი და-
ულდა. „გზა აღარ იქნებაო? მერე თამაზი რო-
გორ დაბრუნდება უკან?“—გაიფიქრა თუ არა
ეს, საშინელმა გრუხუნმა შესძრა არემარე.
ჯერ თვალები მაგრად დახუჭა, მერე გაახი-
ლა და დაინახა: უზარმაზარი ლოდები ცაში
მიფრინავდნენ, მალლა, ძალიან მალლა აღი-
ოდნენ და ბოლოს ხევში ეშვებოდნენ ხმაუ-
რით.

— სულ ასე იქნება ჩახვრტილი ეს გზა?—
გულმა ვერ გაუძლო და მაინც იკითხა ბი-
ჭუნამ.

— არა, ლოდებს კი წაიღებენ და გზაც
გაიწმინდება, მაგრამ ზედ აღარავინ ივლის.
— რატომ?

— ერთი წლის შემდეგ ამ ხევში დიდი
ტბა იქნება, ეს გზა კი მის ფსკერზე დარჩება.
ახლა კი მიხვდა ბიჭუნა, რაში იყო საქმე.
— მაგრამ ტბა რაღა საჭიროა?

— ამ ტბას წყალსაგუბარი ერქმევა. აქედან
დაშვებული წყალი აამუშავებს ელექტრო-
სადგურს,—აუხსნა დათოს იმ მაღალმა ძიამ.

— მაგრამ გზა ხომ მაინც საჭიროა?—ისევ
თამაზზე ფიქრობდა იგი.

— ახალი გზა უკვე გავიყვანეთ, გაიხედე
ზემოთ!

დათომ გაიხედა და მართლაც, დაინახა
ახალი გზა, რომელზეც ცისფერი ავტობუსე-
ბი მიჰქროდნენ.

უცებ ზემოდან მომავალი ერთი ავტობუსი

გზისპირას გაჩერდა. ავტობუსიდან მგზავრებში
გადმოვიდნენ და სურათების გადაღებას
წყეს. მგზავრებში ხნიერი არავინ ჩანდა. ყვე-
ლა ახალგაზრდა იყო.

ერთ ბიჭს, თამაზს რომ ფართოფარფლე-
ბიანი ქუდი აქვს, ისეთი ქუდი ეხურა.

— ეს ხომ თამაზია!—წამოიძახა დათომ და
ველოსიპედს მოახტა. ამ დროს ავტობუსიც
დაიძრა. აი, ახალ გზაზე გაეარდა დათო და
ავტობუსს დაეფენა.

— თამააააა! თამააააა!—ყვირის დათო და
ველოსიპედის თვლებს ისე აბზრიალებს, მა-
თი ხმა მთელ ხეობაში ისმის.

— თამაააა! თამაააა!—ისევ ყვირის დათო
და თანდათან უახლოვდება ავტობუსს.


— უცებ დედის ხმა ჩაესმა დათოს.

— სად არის, თამაზი, შვილო? ხომ არ
მოვიდა?

დათო აიენისკენ იყურება. აივანზე გაკვირ-
ვებული დედა დგას. დათო ხმას არ იღებს.
ველოსიპედის თვალს აჩერებს და დედისკენ
მიდის. დედა ეფერება ბიჭუნას, შუბლზე
ჰკოცნის და ოთახში შეჰყავს.

— ორი დღე მოიცადე, თამაზიკ მოვა,—
ეუბნება დედა და წინ ფაფით საესე თეფშს
უდგამს.

დათო გემრიელად ილუქმება და თვალწინ
ხან დიდი, ცისფერი ტბა უდგას, ხან—ავტო-
ბუსი, რომელიც ახალ გზაზე ქარივით მიჰქ-
რის. ნეტავ მალე ჩამოვიდოდეს თამაზი!



დათვი, ზღარბი და კენგურუ



ავთანდილ გვარამია

ნახატი მანანა მორჩილაძისა

ბავშვებო,
სინამდვილეა,
არეინ ჩათვალთ ზღანზღად:
ბზარში ვაძლი ივიდა
დათვა,
კენგურუ,
ზღარბმა.

თითო კი არა,
აიღეს
ათ-ათი ცალი ზუსტად,
მაგრამ ამდენ ვაძლს, ბატონო,
სასლმი წადება უნდა;

სასლმი წადებას, ბატონო,
რადაც ჭურჭელი უნდა;
რადაც ჭურჭელი კი არა —
უბრადო ჩანთა თუნდაც.

კენგურუ:
— წასვლა ჩანთისთვის
სასლმი სულაც არ მიჭირდება...

ზღარბი იცინის:
— წადება
განა მე გამოჭირდება?..

დათვა:
— ცხადია დღესავით,
ვერ წავიღებ და ეს არი!..

...ზღარბს და კენგურუს ჩანთები
აღარ დაჭირდათ, მართლაც.
ამას სურათზე თქვენც

ხედავთ!

ბზარში ნახა დათვაძ!
დათვა იფიქრა, იფიქრა,
არა და რაღა ქნას?
ქუნაში სომ არ გადაუერის,
სომ არ გაატანს ქარს?
რაკი სამეფლი არ ჩანდა, —
დათვი ბზარში დარჩა და,
თავისი ჭკუით, მეგობრებს
არ დარჩენია ვაძლი:
იქვე, ბზარში, მეჭამა
დათვა ათივე ვაძლი!



საბი და პრინცი შაშვი



მოგია იოსელიანი

ნახატები პლ. აბოშაძისა

თქვენ გგონიათ, ჩინოს მაღალ ხეზე ვასვ-
ლა იმიტომ უჭირს, რომ პატარაა? მაშინ მი-
სი ტოლები ტოტიდან ტოტზე ციყვებივით
როგორ დაძვრებიან? პატარა რომაა, იმიტომ
კი არა—სიმართლე უნდა ითქვას, ჩინო მსუ-
ქანია. მსუქანია, მაგრამ რა ქნას, მისი ბრალი
სულაც არაა. არაა იმიტომ, რომ საწყალ
ბიჭს საშეფლს არ აძლევდნენ: ჭამე-ჭამეო. ჩინო
ფეხებს გაასავსავებს: არ მინდა, არ მინდა ამ-
დენი ჭამაო და ვერაფრით რომ ვერ დაიყო-
ლიებენ, დაიწყება ხევეწა და მუჭარა: დედა
თუ გიყვარს, მამას არ აწყენინო, ბებია მაინც

მოხუცია და გული გაუსკდებაო. ბიჭს მამის
რიდი აქვს, დედა მთელ ქვეყანას ურჩევნია,
ბებია ისე ძალიან, ძალიან უყვარს, ვწინა
გული არ გაუსკდესო და ჭამს, ჭამს და ჭამს...
რა უბედურებაა ამდენი ჭამა?
ზის მაგიდასთან ჩინო და გულმოსულია
დიტოზე. დიტო მისი უფროსი ძმაა და რო-
ცა საჭმელს აძლებენ და აფიცებენ, ის მაინც
თავისას არ იშლის: კარაქს ზედ არ შეხე-
დავს, ნაჭერ პურს თუ კიქა რძე მიაყო-
ლა, მოხედვას ვერ მოასწრებ—გარბის. არც
ის ეყურება, რომ ეუბნებიან, ნაწვიმარზე ფეხ-

ქ. გომიანული

გხიჯული ჭაფხული

ნახატები მარა მუსხისა

ფასურა

რა ყოფილა ფაცურა,
კილომეტრი ფაცურა!



ლეკვაზი

გაუბერიათ ლეკვებს
რეზინის ღიბი სპილო,
ზურგზე შემსხდარან მწკრივად,
გვიცქერენ სასაცილოდ.
ძირს ჩამობერტყა ტალღამ
სუცქა, პასარა, მურა,
თავისუფალი სპილო
მარტო ცურავს და ცურავს!



შიშველომა არ იტანტალო, თორემ მამა ჭყუსა დაკარგავსო; ჭარში ყელი შეიხვიე, თორემ ბებია არ გვეყოლებაო; ტყეში არ წახვიდე, თორემ დედა მოგიკვდებაო. აბა, მისთვის სულერთია და ფეხშიშველიც დარბის, არც ჭარს ავღებს რამედ და არც წვიმას. ტყეში ყოფნას ხომ არაფერი ურჩევნია.

თუ ჭამის დამთავრებას ელირსა და მზიანი ამინდია, ეზოში ჩინოც დარბის, მაგრამ სიმართლედ უნდა ითქვას, მაინც მსუქანია: ფეხზე სქელლანიჩიანი ფეხსაცმელები აცვია, ყელი შეხვეული აქვს, ქურთუკი—ნიკაპამდე შებნეული და მაღალ ხეზე კი არა, ასეღა დაბალზეც უჭირს. უფროს ძმას კი არაფერი არ უჭირს, ჩინოს ტოლა რომ ვიყავი, მაშინაც არ მიჭირდაო.

მოდო და გულზე ნუ გასკვდები: ჩინოს ტოლა რომ ვიყავი, არც მაშინ მიჭირდაო. რა თქმა უნდა, მართალი არ იქნება. მაგრამ თორნიკეც რომ ვთანხმება? ბებია უარობს: თორნიკეს წარვლიდან ხალათი აქვს ამოჩაჩული, კიბი უჩანს და არ დაუჯეროო.

და ჩინოს მარტო ეს კი არა, არც ის სჯერა, დიტო რომ იძახის, ტყეში ფეხშიშველი არ დავდივარო. დიტო ისეთი მოხერხებულოა, შუაგულ ტყეში გაივლის და ეკალიც კი არ შეესობა. ეს კიდევ რაა! მან ისიც კი იცის, ძალიან ფრთხილ შაშვს ბუდე სადა აქვს. შაშვი დაბურულ ბურღოებში და ძეძვებში იკეთებს ბუდეს და დიტომ მაინც იცის მისი ადგილსამყოფელი.

ჩინო კი ერთ დღეს გაიპარა ეზოდან, მინდორი გადაიარა. ტყეში შესვლა ვერ გაბე-

და, მაშინვე ეკლები ეცა. ჩიტები კარგად მალ იყვნენ. ორჯერ შაშვის ქახკახი გაიგონა, მაგრამ მინდორიდან ვერ იქნა და, ბუდე ვერ დაინახა. კარგა ხანს უთვალთვალა, მერე მოაგონდა, ალბათ დედა მძებნს, ბებიას გული გაუსკვდებაო და უკან ხელცარიელი დაბრუნდა.

დიტომ კი იცის, სადაცაა შაშვის ბუდე და მერე როგორი ბუდე... ჩინო თითებზე ითვის:

— ერთი, ორი, სამი და კიდევ ერთი ბარტყია იმ ბუდეში. ეუჰ, რა ბევრია სამი და კიდევ მეტი!..

მაგრამ ბარტყები პატარები კი არ არიან, — ბუმბულიცა აქვთ და ფრთებიც.

დიტომ ვითომ ხეზე ასეღა მაშინაც იცოდა, როცა ჩინოს ტოლა იყო?..

შაშვის ბარტყებმა უკვე ფრენაც იციან და მაინც ვერსად ვერ მიდიან. არიან ბუდეში და არიან. სანამ დაიბუმბულგონდნენ, დიტომ ფეხებში ძაფი ჩაუნასკვა. ძალიან კი არ ჩაუჭირა, რომ ტყენოდათ, ისე, რომ ვერ აეშვათ.

დედა შაშვს თურმე მოაქვს და მოაქვს საკმელი, აკმევს და აკმევს. დიხარდნენ, ადგილიდან კი ფეხს ვერ იკვლიან. ყველა ჩიტის ბარტყები გადაფორინდნენ. მარტო მისი შვილები სხედნენ ბუდეში პირდაღებულლები.

დიტო ამბობს: თოთო ბარტყები რომ მომეყვანა, შიმშილით და სიცივით დამეხოცებოდნენ. ახლა დიდები არიან, გალიაში გადმოვსხამ და სახლში მეყოლებოაო.

რა თქმა უნდა, ასეც იზამს. რა ხანია იგვიწნელის გალიას ლობავს. მალე მოათავებს-



ღორბუსაღა

მოიქნია, წყალში სტყორცნა ფისუნია მანქანი;
ზღვას ჩასტყორის, გვეგონებათ—
იყურება სარკეში;

დიდი თევზი ამოაგლო,
იფართხალა ბეჩაგმა,
არც სხვას მისცა, არც ჩვენ მოგვცა,
მარტო თვითონ შეკვამა!

წავა, "შაშვებს ფეხებს გაუხსნის და წამოიყვანს ერთს, ორს, სამს და კიდევ ერთს.

ჩინოს კი მამის რიდი აქვს, ბებიაც უყვარს, დედა ქვეყანას ურჩევნია და რა ქნას, ჰუმს და ჰუმს. მსუქანი ბიჭია, ვერც მაღალ ხეზე აღის და ტყეში ეკალ-ბარდებში ძრომაც არ ეხერხება.

ბარტყები კი ყურყურებენ ბუდეში. დედა შაშვს მოაქვს ბუხანკალი, ჭრელ-ჭრელა პეპლები და ვხვეწება, ჰამეთ და უფრო გაფრინდებიო, მაგრამ არ იცის, რომ შვილები დაბმულეები არიან.

ღიტო უმცროს ძმას დაჰპირდა, როცა ტყეში შაშვების მოსაყვანად წავალ, თან წაგიყვანო. წაიყვანს მაგრამ, რომ არ დაადგა საშველი გალიის მოთავებას.

შაშვი კი შვილებს დედას და ბებიას აფიცებს, ჰამეთ, ჰამეთო. ბარტყებმაც რა ქნან, სუქდებიან და ვერსად ვერ მიფრინავენ.

გალია წვრილი წნელით უნდა მოიღობოს. ჯერ ძირი, მერე გვერდები. ერთ გვერდზე კარი უნდა დაუტოვო, მაგრამ ეს კიდევ არაფერი, ყველაზე მეტად თავის გადაღობვა ქირს... ბოლოს ის ერთი ცოცქნა კარი უნდა მოწნას სულ წვრილი წნელებით და მავთულით მიაბან.

ერთ მშვენიერ დღეს, როგორც იქნა, გზას დაადგნენ, ბუდე არ ყოფილა, სადაც ჩინოს ეგონა. ეზოდან მინდორში გავიდნენ, იმ ტყეს გვერდი სულ აუარეს, ისევ მინდორ-მინდორ გასწიეს და სხვა ტყეს მიადგნენ, მაგრამ არც იქ ჰქონდა შაშვის გაკეთებული ბუდე.

გალია უფროს ძმას მიჰქონდა, უმცროსი

კი მაინც დაიღალა. ბოლოს, მთლად უჩიარა მაზარ ტყეში რომ შვეიდნენ, ღიტო მთლად კი არ გაჰყვია, ბარდებში და ძეძვებში გადაუხვია. ჩინოს სახეში ტოტები გაებლანდა, შარვალში და წინდებში ეკლები ეცნენ, ეცნენ და არაფრით შაშვის ბუდისაკენ არ გაუშვეს. ბიჭი მაინც რომ წინ წავიდა—უჩხელიტეს, მაგრამ რა ექნა, ღიტომ უკან არც მოუხედა.

ჩინომ—ძმა თვალთავან დამეკარგებაო— ისევ გასწია და წვივი სულ დაეკარგა, ფშლუკუნი დაიწყო. ღიტო ისევ წინ მიდიოდა, გალიაც მიჰქონდა, ვერც ტოტები უღობავდნენ გზას და ვერც ბარდები.

უმცროსმა ძმამ ცრემლი გადაყლაბა, კბილს კბილი მაგრა დააქირა და ღიტოს მიჰყვა, უკან რომ არ დაიხია და თავისი არ დაიშალა, ეკლებიც მოეშვენენ და ტოტებიც აღარ ცემდნენ სახეში.

უშველვებელ ძეძვთან უფროსმა ძმამ გალია უმცროსს მიაწოდა. თვითონ ჯიბიდან ჯაყვა ამოიღო და ფხა გაუსინჯა. მერე ბარდებში ისევ შეძგრა და დაიკარგა, თითქოს მღვრიე წყალში დაყვინთაო.

მალე ბარტყების ჰყიპინი მოისმა. ბუდე მაინც არ ჩანდა და არ ჩანდა. მერე კი ძეძვებიდან ხელი ღიტომ გამოჰყო, მუჭიდან შავი შაშვის თავი და ყვითელი ნისკარტი ჩანდა. ჩინომ გალია ახლოს მიუტანა, ღიტომ შაშვი შიგ შეუშვა, გაშლილი ხელი გამოაძვრინა და კარი მაშინვე მიუხურა. ჩინოს უკვირს: რა მოხერხებული ძმა ჰყავს. ხეებზე ძრომა ალბათ მაშინაც არ უქირდა, როცა

გოჭუნია

— აღარ მინდა მზეში წოლა, არც სილა, არც ბალახი, ცუგო, მითხარ, სად მივიღო აბაზანა ტალახის?!





ჩემი ტოლა იყო.

მალღიდან ქახუხი მოისმა. ჩინომ ძლივს შეასწრო თვალი, იმ ძიგვში, სადაც ღიტო შეძერა, შაშვი შავი ქვასავით ჩავარდა. ჩავარდა, მაგრამ მაშინვე ამოფრინდა. ფრთა ხის ტოტს წაჭკრა, ჰაერში გადატრიალდა, მაგრამ ქახუხით მაინც მალლა ავარდა და თვალს მიეფარა. ამასობაში ღიტომ მეორე ბარტყი მოიყვანა. ჩინოს მარჯვედ უნდა გაველო გალია, რომ ის ერთიც არ გამოფრენილიყო და მეორეც შიგ შეეშვათ. დედა შაშვი მა კვლავ ბუდეს მიაშურა. როცა ღიტო უკან გაბრუნდა, იქაურობას ისევ ვაეცალა.

სამი და ერთი აქყლოპინებული ბარტყი რომ გალიაში მოათავსეს და შინისაკენ გზას

გაუდგნენ, დედა შაშვი აქეთ-იქით აწყდებოდა და ქახუხებდა.

ჩინო, სანამ სახლამდე მივიდოდნენ, ისე დაიქანცა, ფეხებს ძლივს მიათრევდა.

ღიტომ გალია აივანზე, სვეტებს შორის ლაქიდა და ძმა დაარია:—შენ ტყეში სიარული არ შეგეძლია, ილღები, სახლში დაეტეე და შაშვიებს სასმელ-საქმელი არ მოაკლოო. ჩინოც ასე აპირებდა, მაგრამ ბარტყებს იმ დღეს პირში არაფერი ჩაუღვიათ.

მეორე დღეს ღიტომ თქვა:—რაკი თავისით არ ქამენ, ძალით უნდა მივაჩვიოთო. გალიიდან ჯერ ერთი შაშვი გამოიყვანა, ნისკარტი გაუღო, ფეტვი პირში ჩააყარა და წყალიც დააყოლებინა, მერე—მეორეს, მესამეს და

ბოჩოლა

— რამდენ წყალს სვამ, ბოჩოლა?!—

ნიშას ჰკითხეს ბავშვებმა!

— გავიბერე ტიკივით,
ზღვა კი მაინც არ შრება!



მამალი

გაწოლილა ქოლგის ქვეშ,
თუმცა ყელი აქვს მოშლილი,
აქ ისვენებს ზაფხულში
მამლაყინწა ცოლ-შვილით!

ბოლოს—კიდევ ერთს. შენც ასე უნდა ჰქნაო, გააფრთხილა ძმა და ეზოლან თვალსა და ხელს შუა გაიპარა.

თორნიკე წაიყვანა და წაეიდა, თორნიკეს ჰუბი უჩანს და მანინე წაიყვანა.. ჩინო ძმაზე ისევ გაბრაზრდა და ორჯერ სცადა მსხლის ხეზე ასვლა: არაფერი გამოუვიდა. ფეხსაცმელების გახდაც მოინდომა, მაგრამ ცალზე თასმა ვერ გახსნა. მერე ატმის ხეს მოეპოტინა, ტოტების ვასაყარამდე ძლივს აფორთხდა და ისევ ძირს დაეშვა.

ჩინოს იმ დილით სამი და კიდევ ერთი ნაქერი კარაქიანი პური შეაქამეს, დაშაქრული რძე, ჩაი და მურაბა. ეს დილით. სადილად დიდი მათლაფა წვნიანი დაუდგეს, ჩინომ პირი იბრუნა, მაგრამ დედამ ბებიას გასძახა: არ ჰამსო, ბებიამ გულზე ორივე ხელი მიიღო— გამისკდებოა, წვნიანი რომ უნდა დაეხვიოპა, ეს არაფერი, მაგრამ მერე დედას შეიძლება ჩამოით კიდევ დაემატებია. შემდეგ ძვალგამორჩეული თევზის დიდი ნაქერიც უნდა დაეყოლებინა. ამას გარდა, ხორცეულიც ხომ იქნებოდა? ტკბილი ნამცხვარი, კომპოტი და ხილი...

ჩინომ წვნიანის შემდეგ ფეხები გაასავსავა, მგტი აღარ მინდაო, მაგრამ აქეთ დედა დაუჯდა, იქით ბებია, —თევზი თუ არ ჰამე, მშობლები არ გეყოლება, თუ კატლეტი არ გაათაფე... ბებომ მკერდზე მკლავები გადაიჯვარედინა და თვალები გადაატრიალა,—აი, აქვე სულს დავლევო.

როგორც იქნა სადილობას მორჩა და დაღ-

ლილი აივანზე გამოვიდა. ძმა ისევ მსხლად ჩანდა. გალიაში კი მოწყვნილი შაშვიკი ისხდნენ და ტყისკენ იტკირებოდნენ.

„ალბათ უკვე მოშვიდათ“, იფიქრა ჩინომ. იქვე ფტვი ვყარათ და პირს კი არცერთი არ აკარებდა.

ჩინო სკამზე ავიდა, სკამიდან—მორჩილა მაგიაზე, მაგილიდან მიწვედა გალიას, გამოაღო და ხელი შეჰყო, მაგრამ შაშვიკი აქეთ-იქით მიაწყდნენ. ერთი ძლივს დაიჭირა, გამოიყვანა, ნისკარტი ძალით გაუღო და პირი ფტვით გაუფსო. ჩიტმა თავი გაიქინა და უკან გადმოყარა.

ჩინოს დილანდელი სამი და კიდევ ერთი ნაქერი კარაქიანი პური გაახსენდა, შემდეგ წვლანდელი ერთი მათლაფა კარტოფილით სავსე წვნიანი, მერე ჩამოით რომ კიდევ დაუმატეს, ზეთში შემწვარი გაზიზნილი თევზი, კატლეტი და... შაშვს ხელი გაუშვა.

ფრინველმა თავისუფლება რომ იგრძნო, მაშინვე აფრთხილდა და ეზოში, მინდორზე დაეშვა. ბალახებზე ერთი ორჯერ სკუპასკუპით გადახტა, აფრინდა და ღობეზე შემოჯდა. იქ კი, როცა დაიჯერა, ფრენა მცოდნიაო, შაშვივით დაიქაჩაჩა, ხეზე შესკუბდა და გაფრინდა და გაფრინდა...

იფრინოს, იქაჩაჩახოს, როცა უნდა და, რაც უნდა, ის ჰამოს...

ჩინომ გალიის კარი ყურთამდე მოაღო. გახარებული უყურებდა, როგორ გამოფრინდა მგორე შაშვი, მერე—მესამე და ბოლოს კიდევ ერთი.



ჩემი სათრის თუ გაქვს

თამარა აბულაძე

გატუნია—გატუნის
უხეუება ნატული:
— სემი სათრი თუ გაქვს,
აწი ხუღარ გააბრაზებ
ცუგას,
თორემ დაგიდარაჯდება,
ძოვა ფესკარუთ
და გულის გადაგიტრიალებს
უფით.




ფიფილა

ნელი ღახაველიძე

წიწილა ვარ, წია, წია,
მომისმინე, ჩემო ევა;
დამიბურე ბლომად ფერტი,
კრუსმა ახლა გამოქევა.

უეუაზე

სოშიალა ურმებით
მოფუფობადით სრამებს.
ლაშის აფურები
აწუდებოდათ სარებს.
ტეიდან მეშა მოგუქონდა —
შეშა — ხმელი მუსის.
შე და ბაბუმ მოვლი დღე
კერ წავსარეთ მუსლი:
პო, პო, რა ვიჯახირეთ!
პო, პო, რა უიწუდეთ! —
ხან — წინ უღელს ვეკიდეთ,
ხან — გუფლოდით სარებს.



ნიკამ ბაღაარჩინა



თამაზ ჯიბლაშვილი

ნახატები ზურაბ კახანაძისა

ნიკა და თეა მდინარის პირას თამაშობდნენ. თეა დიდ გაზუზნულ დედოფალას მდინარეში აბანავებდა. ნიკა წითელ-ყვითელ კენჭებს აგროვებდა და თეასთვის არ ეცალა.

შუადღისას, კარგა რომ ჩამოცხა, მდინარეზე ბაბუა დათიკოც ჩამოვიდა.

ნიკამ წყალში შეცურა, ცოტა ხნის შემდეგ, ბაბუა დათიკომაც გაიხადა ტანსაცმელი და ნაპირთან ჩადგა.

— ჩამოდი, — ამოყვინთა ნიკამ.

— ცივია? — ჰკითხა ბაბუამ და თეას დედოფალას გადახედა, — მერე პასუხისთვის არ დაუცდია, წყალში მკვირცხლად გადახტა.

დათიკო მორევისაკენ გაცურდა. სწრაფად და ღონივრად უსვამდა. წყალზე ხეთა მაღალი კენწეროების ჩრდილები წვებოდა. ვალმა სოფლის შარავგაზე სატვირთო ავტომანქანა მიგუგუნებდა.

— ბაბუა, — თეა ნაპირს მოადგა და მთელი ხმით დაიძახა, — მანდ რომ მორგეია, არ დაიხრჩო!

— ნუ გეშინია, ბაბუა, არ დავიხრჩობი.

ბაბუამ მარჯვენა ასწია და შემოტრიალდა. სწორედ ამ დროს გადიდფრინა თვითმფრინავმა და ბავშვებს არ გაუგონიათ ბაბუას ხმა. ნიკამ მხოლოდ ბაბუა დათიკოს გადიმებულ სახესლა მოჰკრა თვალი. ბაბუა გვერდულად მიცურავდა და ქვეშ-ქვეშ ხან ერთს გახედავდა, ხან — მეორეს. მერე ვითომ უმწეოდ აასავსავა ხელი, წელში მოიხარა და ჩაყვინთა. სანამ წყლის ზედაპირზე ფართე რგოლები გაიფანტებოდა, ნიკამ ერთი ღრმად ამოისუნთქა, სხეული დაძაბა და გაცურა. თეა მთელი ხმით წიოდა და ბაბუას ეძახდა. იქ, იმ ადგილზე, სადაც დათიკო ბაბუას თავი მიიმალა, ახლა თეთრი ქაფქაფა ბუშტები ამოდიოდა.

ნიკამ ლოდებშუა მოძებნა მორევში შესასვ-
ლელი და დაყვინთა. ცოტა ხნის შემდეგ ჯერ
დათიკო ბაბუას ზურგი გამოჩნდა, მერე—თავი.
ნიკა რომ ვერ დაინახა, ისევ ჩაყვინთა. წყლი-
დან ახლა ნიკა ამოძვრა. აქეთ-იქით გაიხედა,
ბაბუა გამჭვირვალე წყალში დალანდა და იქით
გაექანა. ბაბუამ ლოდის მეორე მხარეს გაცურა.
ნიკა შემოტრიალდა და თავი ისევ ამოპყო.

„ხომ არ დაიხრჩო?“—გაიფიქრა ბიჭმა.
— ლოდს იქით მოძებნი!—დაუძახა თეამ.
— ვერ მიბოვნი!

— უშველე ბაბუას,—სიცილით გასძახა თეამ
და სახეზე თოჯინა აიფარა,—არ დაიხრჩო!

ნიკა ისევ გაცურდა, ის რომ ლოდს შემოუფ-
ლიდა, ბაბუა მეორე მხარეს იმალებოდა. ბოლოს
ბაბუა წყალში გაიშოტა და ნიკას დაუცადა.
ბიჭმა სწრაფად დაყვინთა, ცალი ხელით მკლა-
ვური მოუსვა და მეორე—ბაბუას ჩასჭიდა. ბა-
ბუა გაჰყვა, თან, ვითომ მართლა დამხრჩვალნი
ვარო, სუნთქვა შეიკრა. წყალში ნიკამ ბაბუა
წამოსვა და თეას დაუძახა:

— მიშველე, გოგო, ნაპირზე გავათრიოთ!
ცოტა ხნის შემდეგ ბაბუამ თვალეზი გაახილა.
— ცოცხალი ხარ, ბაბუ?—ჰკითხა აკანკალე-
ბულმა ნიკამ.

— კი, ბაბუა, ცოცხალი ვარ.
— უჰ,—ღრმად ამოისუნთქა ნიკამ.
დათიკომ სახიდან წყლის წვეთები ჩამოიფე-
როხა და ნიკას შეხედა:

— ის დროზე კი მომისწარი.
ნიკა ბაბუას ფეხებთან ჩაცუცქდა და ქვემო-
დან შეხედა.

— თეამ თქვა, ბაბუა დაიხრჩო.
— ვიხრჩობოდი და ეგ იყო, ყოჩაღ, შვილო,
ყოჩაღ,—დათიკო ნაპირზე გამოვიდა. თეას თვა-
ლები ეშმაკურად უციმციმებდა და სიცილს
ძლივს იკავებდა.

ნიკა გაიბადრა და წყლიდან ამოვიდა. ბილიკ-
ზე ბეზია გამოჩნდა. ინდაურებს მოერეკებოდა
და ჯოხს ჰაერში იქნევდა.

თეა ბეზიას მივარდა:

— დათიკო ბაბუა იხრჩობოდა.
ბეზიამ ბაბუას გადახედა და შვილიშვილს გაუ-
ლიმა.

დათიკომ ხელი უღვაშებზე გადაისვა და ქვაზე
ჩამოჯდა.

— იხრჩობოდა?
— ჰო, ნიკამ გადაარჩინა, თორემ იხრჩობოდა.
— ხომ ვითხარი, ნიკა ყოჩაღი ბიჭია—მეთქი.—
თქვა ბაბუამ.


— ენაცვალოს ბეზია.
ნიკამ ბაბუას ამაყად გადახედა:
— აღარ ჩახვიდე ბაბუა წყალში.
— დაგვიბერდა ბაბუა,—თქვა ბეზიამ.
— კარგი, აბა, აღარ ჩავლე.
თეა სიცილისაგან იჭაჭებოდა და ბეზიას ყურ-
ში უჩურჩულებდა:
— ბაბუამ, ვითომ ვიხრჩობოი და...
ბეზიამ ნიკა გულში ჩაიკრა. დათიკო ბაბუა
ბუჩქნარზე გადაკიდებულ ტანსაცმელს იცვამდა
და თან ნიკას აქებდა.
შუადღე უკვე გადასულიყო.



ალსოპენი, მალსოპენი

მოლაჩ შაჰანაძე

გლაკარი



იყო ორი ძმადნაფიცი,
ძმებზე უფრო ახლობენი,
ერთსა ერქვა ალსოპენი,
მეორეს კი—მალსოპენი.
ჰქონდათ კარგი კარ-მიდამო,
ქერმაღალი ვეგათ ოდა,
კარგი ჰქონდათ ბეღელი და
ქურ-მარანიც კარგი ჰქონდათ.
ოღონდ ესლა აღონებდათ,
ზოგჯერ ბოლომით იხრჩობოდნენ,—
წისქვილში რომ წავიდოდნენ,
ხშირად სამ დღეს იქ რჩებოდნენ.
პოდა, ერთხელ ალსოპენმა
ასე უთხრა მალსოპენს:
— სირცხვილია, სირცხვილია,
ჩვენ წისქვილი არ გვქონდეს
და სიმინდი დასაფქვევად
ცხრა მთას იქით დაგვქონდეს!—
დატრიალდა ალსოპენი,
დატრიალდა მალსოპენი,
გაშლილ ველზე მიიტანეს
ქვა ბევრი და ქვიშა ბევრი
და ბალავერს როცა კრიდნენ,
(როგორც არის წესი),
სად იყო და სად არა,
თავს დაადგათ მწყემსი:
— გამარჯობათ!
— გავიმარჯოს!
— რას აშენებთ?
— წისქვილს.
მწყემსი პირზე ხელს იფარებს,
ძლივს იკავებს სიცილს.
მუბლი მუკრა ალსოპენმა:
— ვინც რა უნდა თქვასო...—
ჩაიცინა მალსოპენმა:
— წისქვილმა კი თქვასო.—
კვლავ მუშაობს ალსოპენი,
კვლავ მუშაობს მალსოპენი,

ზარს იქნევენ მარდაღ.
სად იყო და სად არა,
მონადირე გაჩნდა:
— გამარჯობათ!
— გაგიმარჯოთ!
— რას აშენებთ?
— წისქვილს.

მონადირეს ელიმება,
ვერ იკავებს სიცილოს...
მუბლი შეკრა მალხოზენმა:
— ვინც რა უნდა თქვასო...

ჩაიკინა ალხოზენმა:
— წისქვილმა კი ფქვასო.—
მზე ზეციდან იკბინება,
მწველ სხივებად გაღანტული.

ალხოზენმა, მალხოზენმა
გაიკეთეს ფანჩატური.
ჩრდილში დასხდნენ, შეისვენეს,
ახლა სადილოს ელიან,
მუშაობის შემდეგ ჭამა
პო, რა გემრიელია!

აი, უკვე მოვიდა
ველზე ქალი ორი:
ალხოზენის ცოლი,
მალხოზენის ცოლი,
კალათებით მოიტანეს
სანოვაგე უხვი,
სუფრის გამოსას შეუღდნენ,
მოიყარეს მუხლი.

ალხოზენიც დაჯდა,
მეუღლეზე მწყარალი:
— რით დავიბანთ ხელებს,
დაგვიწყნიათ წყალი!—
მალხოზენის ცოლმა
უცებ გადიკისკისა:

— ნაკალულიც არსად ჩანს,
აქ აშენებთ წისქვილსა?!—
მოიღუშა ალხოზენი:
— ასე როგორ დავიბენით!..
ვოქვათ, ავაგეთ წისქვილი,
რა უნდა ვქნათ მერე,
აქ არ არის მდინარე,
აქ არ არის ღელე,
ამოდენა დოლაბებს
როგორ ავამღერებთ?!—
მოიღუშა მალხოზენიც:

— ვაი, მართლა დავიბენით!..
ალხოზენი, მალხოზენი
ახლაც ოფლად დნებიან,
მიათრევენ შინისაკენ,
რაც იმ ველზე ქვები აქვთ,
უყურებენ მეზობლები
და სიცილით კვდებიან...



მგელი

პაპი გელქანი

ნახატი მამარ მახსისა

რუხმა მგელმა თეთრი კურღელი დიპირა, განზე გაათრია და შეხრამუნებას უპირებდა; ამ დროს საიდანღაც თეთრი მგელი გამოვარდა და ისიც კურღელს ეცა.

რუხმა მგელმა შეუღრინა:

— ნადავლი ჩემია და ტყის წესებს ნუ არღვევ!

— ნადავლი მისია, ვინც შექმას! — მიუგო თეთრმა მგელმა.

შეიქნა ერთი გაწევა-გამოწევა: — არა ჩემია და არა — ჩემიო.

— მოდი აბა, და, თვითონ კურღელს ვკითხოთ.

რუხი მგელი საცოდავად მობუზულ კურცქვიტას მიუბრუნდა:

— ჩემო კარგო კურღლელო, შენ ხომ პაციოსანი ვინმე ხარ! აბა, უთხარი თეთრ ავაზაკს, ვის უფრო ეკუთვნის შენი ფაფუკი ბეწვი? ხომ მე დაგიპირე და თანაც ნამდვილი რუხი მგელი ვარ! ისე ფრთხილად შეგახრამუნებ, რომ ვერც გააგებ. მე...

— გეყოფა უბედობა! — შეუღრინა თეთრმა მგელმა, — ხომ ხედავ, თეთრო კურღლელო, რა უბედი და ვერაგია ეს რუხი ავაზაკი? აბა, სად რუხი და სად თეთრი მგელი! შენც ხომ თეთრი ხარ! აბა, გულზე ხელი დაიდევ და ისე თქვი, ხომ გირჩევნია, რომ მე შეგსანსლო?

— ჩემთვის სულერთია, თეთრი მგელი შემსანსლავს თუ რუხი! — დაიკანავლა კურღელმა, — ორივე ავაზაკები ხართ. კარგი მგელი ის იქნება, რომელიც ცოცხალს გამოშვებს.

სასწაული მოხდა და ერთიმეორის უცბრით მგლებმა კურღელი მართლაც გაუშვეს ცოცხალი და აღეხაც ტყეში დაცუნულულებს.



ყურსკვირბები

გიული ავალაძე

ერთი, ორი, სამი, ოთხი,
ხუთი, ექვსი, შვიდი —
ურცქვიტების მთელი ჯარი
ბოსტნისავეს მიდის.

განა რამის მოსაპარად?
სამუშაოდ მიდიან,
მხრებზე ბარი გაუდვიათ,
თან საგზალიც ჰკიდიათ.

იმუშავეს, გაავსეს
ვსო-ურე ბარაქით,
მერე სასლში წაიღეს
მთელი ზამთრის მარაგი.



მედიკალი
გერმანიის

1970

დათვი

როგორ მომწონს აქ უოფნა,
თაფლში დრუნჩის ჩაუთფა,
მეტი არა მინდა რა,—
მუდამ ასე მამუთფა.

ნახატები მანანა შოკრიძისა



მედიკალი
გერმანიის



გამოსტანები

მალა მალაჰა

ღამეხება და
ღაგსრიაღებ,
კრელაჭრულღებს ვაპრიაღებ.

არც ხურო ვარ,
არც მკედღელი,
მაგრამ მთღლი ზაფხული
ღღენიაღაგ ისმის ხიღან
ჩემი კაკუნ-კაკუნღ.

გიორგი ნარათაღი

გირი,
გირი,
გირი,
გირი,
ზოგ-ზოგ სასწორს უნღა გირი,
წყალს ღაღაღღი
უნა....
უნაგირი არის მართღა
ამ ღღღღღღ
ღს ზო....

ფვიმა

მარი აბრაღიშვიღი

წყაბაწყუბი,
წყაბაწყუბი,—
მოდის წვიმა
ცვევა-ცვევით,
— მორწყულია ჩვენი ბაღი,
გვიხარია მე ღა მეღის.



ნახატი მამა მათათაღაღისა



674/158

76055

საქართველოს
მხატვრობის
მინისტროს
გამართავი



- „ზამთარი“—ნახ. დავით თიბილაშვილისა, 9 წ. თბილისი.
- „გემი“—ნახ. რამაზ შენგელიასი, 9 წ. თბილისი.
- „გოგონა“—ნახ. ირმა კოდუაშვილისა, 4 წ. რუსთავი.
- „უვაგოდო კოთახი“—ნახ. გოჩა ხიბილაშვილისა, სოფ. ატენი.